


Hashihthü shing laihing Hunyeih

Shongpü Yangei Leipü



Nyangbü: Edward Hughes

Lajei lingbü: Janie Forest

Lepbü: Master Clement Bujem

Sheteiphenei lingbü: Lyn Doerksen


Büshah 60 kübü 54

www.M1914.org

Bible for Children, PO Box 3, Winnipeg, MB R3C 2G1 Canada
Nüngi neyuphei keyü hapa lai lingei nevaijü ngümei ngaihen aok.

Phom

Hapa nyüha moppücheüpü
kahshang lemei yaongshi
hapa nyembenüing
daoten kü pinyü
mongmangei veishi
nyuteke. Pinyülei
hapeü-ü sheyü
didaihen nyu.
Hapa nyü-ü Mary
nyu, hatü Jisu
shophang kü
appü shing
yopailei
yaongshi
nyu.



1



Hathü mekei vampa?
Hajük meipü yangnyu
nyemao nyemshi mekei
Jisulei yangnyu hapakei
dohpa? Kahvangi
laophülei
Ha halei
shophang
kü apei dihen
mü mekei hanpa? Jisu
büpa üpashang lemhük
pungpü je? Kahvang
aokpü nedangpü je?

2



Nevai! Kahvangi aokpü nedangpü nevai. Jisui meheyao pungei nedük. Nemeipüthüi büpa jütükhen khih shei düngei Jisui ha nyingei nyuhampeih. Mechem Jisui hashih hepak nyupa, Simeon shei menpü pajei hüki Mary kü shelei shanghah nyüke shei eshuohteke.

3

Jisui dihen nyih maani shekü nyüha hük peiyei büpalei la kü vongmei meli cheishuohteke. Büpalei nanglomthüi, "Lop longi damnyüke" shei eteke. Jisui e, "Pinyüi dao meipü düknyüke. Pinyüi ngei mahng vühen shingvaishi düknyu khih" shei eteke. Mekeipü thamapü shahthü epa!




4

Haphei kü Jisulei nanglom anpünyi khongkü hük Judas-i ngongpathü kü Jisu lop hapüan kü yutükhen shah shetei mongteiteke.



5

Jihoda amei Hompü mo kü Jisui büpalei nanglomthü mü dohpü mo hahteke. Büpai jomphong kü Kahvangei thamapü daothü jung hatü büpa kü bampüthü kü lahpü jung eshuohteke. Hapheikü Jisui jomphong kü aan hatü yungshong jomphongi hahyinghen shingvaishi shuoh. Hapai Jisulei phai hatü iy homei mang tükpü danghen shei hupü longpü nyuteke.



6

Hapheikü Jisui büpalei küphüthü kü büpa luhahhen hatü jomphong nyaidaihen shei e. Peter-i, "Ngei nyaiyei nedaipih" shei lah-ei e. "Ou kashekü nüngi ngei jempa thahshi nelah-aokpih" shei Jisui eteke.



7

Ha ya Jisu Gethseman pemongei phopnüng heih. Büpa mü nyupü nanglomthü peü shidai. "Oh Oba, hapa shanghah yungshong ngei kübü yahlangshih. Shejao hayü ngei mong nevai, nüngi mongpü vaituh" shei phop.



8

Ngangahük kü Judas-i mütü khongnyü longpü hük pemongei pei. Jisui hathü kü nekhangtei, shejao Peter-i shennyak hükei dhaong lüktük. Met shei Jisui hapa shennyakei dhaong kü düktü meihütük. Bupa yeppeyü Kahvangi mongpü hük khih shei Jisui nying.



9

Khongi Jisu ngongchongei shemei müei dei. Halei Jehoda am mübüthüi Jisu jühen vongbong shei e.

Shaang Peter aw jakpü yopailei yaongshi veiyei nyu. Shennyakthüi Peter kü veitü jempa thahshi "Nüngao Jisu mü nyuhampeih" shei e. Jisui epükei jempa thahshi Peter-i nevaipih shei e. Peter-i thaüväü hatü lah-ei eteke.




10

KUKULI UK



Haphei kü müshi ou kateke. Hayü Peter shing Kahvangei ngeü kei shiüteke. Jisui epü dei-ei dangtü Peter shahyaki thep.

11



Judas longi mongshangei deih. Jisui meheyao nepung nevaijü mang neshiü shei nying. Judas-i lop 30 nyokei shuoh, shejao ngongpathüi ha neyah. Judas-i lop shükphongtü daiyei büpa nying bakla kü bheanei di.


12

Ngongpathüi Jisu Rom am Pilate onga touei müei dei. "Ngei hapa shennyaki pungpü meheyao nedangang" shei e. Shejao khongi büpa "Shongphang kü aptuh, Büpa shophang kü aptuh" shei nedoh-i len.



13


Shomshi Pilate-i mongteke hatü Jisu shophang kü aphen lanei shuoh. Veshanthüi Jisu kü shühteke, yu-opi büpalei dhe kü shaoteke, hatü bheiteke. Jomi hüh lushi nyupü hühthang yah-ei athen lingtü büpalei shangjing kü thenshuoh. Jomi büpa shophang pü kü apei jü.



14

Büpa hapakei dihen khiih shei Jisui düngei nyengei nyu. Büpa kü dipü homei üami büpa kü hinglem hathüi mang tükpü danghen khiih shei büpai nying.

Shennyak ten nyi Jisu mü shophang kü ap. Hükpa Jisu kü hinglem hatü vangsholei aongdai. Hükpapa ne-aong.



15

Ghonda longi hanghi pheikü Jisui, "Ha temteke" shei etü didai. Büpalei dao temteke. Büpalei küphüthüi büpa mahngchong ja hük kü vüphong.



16

Haphei kü Rom am veshanthüi mahngchong kü füoshang shingtü yomei nyu. Halei üpayao nepeiaokhen nevaijü nedaiakhen mü nyu.



17

Hapa büshah dohpü vailangmeyü hayü meshük mongmangbenügang. Shejao Kahvangi lemhük thamabenüing dükteke.



Jisu mangh mü nenyu.

18

Hatyang kü shongpü nyih dhom mü lomi Jisulei nanglomthü hanei mahngchong leipü yaong ngowdaitü ee. Jomphong mongei veishing kü Jisu halei nenyu.



19

Nyüha hük mahngchong touei thepei nyu. Jisu pinyü touei vam! Pinyüi mongongshi lebü nanglomthü kü, "JISU YANGEI LEITEKE! JISU DIPÜ KÜBÜ YANGEI LEITEKE" shei ehen makei leiteke.



20

Jisu jomphong touei met shei vamei büpalei lak kübü kojat kaw huteke. Hapayü hingmei.

JISU YANGEI LEITEKE! Peter-i büpa nelahpü nangkü büpai mang tükshuoh hatü büpalei nanglomthü kü büpa jung baonghen eshuohteke. Shongpü Christmas kü büpa meleipü yüü, hapa shing vangsholei nyokei aongdai.

21

Shongpü Yangei Leipü

Kahvangei Shah Laihing leipü büshah

Dangnyeih

Mathi 26-28, Luk 22-24, Johan 13-21

"Nüingei Shah shühahpai vangngai shuohnyeih."
Menvih Kesho 119:130

Jeni dao nemeipü dükteke shei Kahvangi nyingei nyüke. Mang shing hanghiyü dipü nyüke.

Kahvangi jen kü longi bampü nangkü büpai laophülei Ha Jisu shophang kü diyei nüingei hang shemhen shompeih. Jisu yangei leiyei vangsholei aongdai. Shaang Kahvangi jenei mang tükphahen.

Nüingi nüingei mang kübü mong lepei leihüjema, Kahvang kü ha etuh: Bambü Kahvang, Jisu ngei shing dipeih shei ngei nying hatü shaang yangei leiteke. Ngelei mongei shükei hatü ngelei mang tükshih, shejüang shaang ngei yangnyu ja danghen hatü nüngmü den kü nyuhen. Nüingei ha leshi nüing shing nyuhen ngei kü sheühshihma. Amen. Johan 3:16

Laihing ietuh, nyihjeih Kahvang mü eteituh.